

金魚玉龍各一枚師弟子對齋二十七日指北帝而傳給玉童玉女各十人得有此文千魔摧伏萬精喪形違科犯戒三犯伐功斷事萬不得仙五犯考延七租己身並為左右一官所執充刀山火鄉二十四獄三塗五苦之中三掠選生不人之道玄都下宮女青律文受者明慎奉行

太玄都四極明科曰凡有上經玉清寶書皆玄挺應會骨相合仙當棄家放妻遊五嶽長壽山林精思苦念正中而陰素水單歌不勞苦寒晨夕無怠乃感帝皇玉司右別三元詣房三年當得策駕玄虛上昇太清若有輕慢穢忽靈文宣傳泄露使世見聞違盟負誓殃及七玄死寇及己並充左右二官考罰登刀山食火啖炭二十四獄三塗五苦之中萬劫得還長充鬼役負濛山之石以填積夜之河玄都下宮女青律文受者明慎奉行  
太玄都四極明科曰受上清寶經或因緣遇會得遭聖文未能棄累捨家入山故在世間心崇意敬志向玄靈感起一通別室供養朝

夕燒香出入禮拜如奉君父有事於它無不從心天遣玉童玉女侍衛此經察子之心歸情宗奉神自感真隨意所欲獲災却患萬魔伏誠千精喪形富貴官位與隆求道得道求官得官子孫咸成金寶如林七年如法當具人降子房與神交接授子要言不學自成勞而仙故上學道處於三軍者也若遇而不受亦其運也受而不信將其命也信而不實真其罪也三者既同考延七玄己身被左右二官所考罰以刀山三塗五苦九厄八難萬劫得生不人之道玄都下宮女青律文受者明慎奉行

太真玉帝四極明科經卷二

太真玉帝四極明科經之三

兩七

太玄都左宮女青四極明科律文

赤帝玉司君姓王諱景度衣絳章單衣九色鳳章頭戴平天飛神玉冠手執九色之節治南朱陽之臺洞天太玄都女青左右領南嶽霍山仙官地靈水精赤丙之兵南極無崖之天無鞅數劫無窮無極之官總統上真之格悉隸於赤帝玉司之君主人生死之命知其名存其神修行九年致神草玉芝不死之藥丹霞紫雲下迎兆身上昇玉清宮

太玄都四極明科曰大洞真經三十九章高上九皇道君元始自然玉童一名太真道經一名三天龍書秘於高上大有之天九玄玉房之內侍經玉童玉女各三千人燒香衛靈傳於中央黃老君舊科萬劫一傳若有玄名帝圖紫簡綠字玉藏金骨之人千年內聽得三傳盟上金十兩網二十五斤金紐五雙金魚玉龍各一枚青熱一兩師弟子對齋百日或九十日三十日北向纏金鈕告盟而傳金晨玉童二十四人西華玉女三十六人侍經

(03) A. 15-4

燒香得此文者誦誦萬遍立昇上清拔度七  
祖更胎南仙違盟負戒一犯伐功斷事萬不  
得仙三犯上及七祖已身同被左右二官所  
考罰以刀山詣火噴炭二十四獄三塗五苦  
之難三掠乃得過長充下鬼負石填河之役  
玉童玉女賁經還於上宮也玄都左右女青  
律文受者明慎奉行

太上玄都四極明科曰雌一玉檢五老實經  
靈書紫文乃高玄映之道高上帝君所修上  
願十二玄母八閻九轉五迴變化雌雄傳於  
衆帝上元禁君三元夫人紫微玉母後聖九  
玄金闕帝君秘在九天之上大有之宮太玄  
靈臺玉房之中紫金爲素以撰其文青綠爲  
字以書其章侍經玉童玉女各三千人燒香  
典經舊科萬劫一傳若有玄名帝圖紫簡綠  
字金骨玉藏之人七十年內聽得三傳盟上  
金五兩五色錦縉各五十五斤香一斤金鈕三  
雙師弟子對齋九十日北向告盟而傳玉童  
二十九人玉女二十七人常寶典靈文得此  
文者修行萬編飛昇上清其禁尤重不得妄

傳符盟違信一犯伐功斷事萬不得仙三犯  
者上及七祖已身同被左右二官所考罰以  
刀山詣火下鬼負石填河之役玉童賁經還  
反上宮也玄都左宮女青律文受者明慎奉  
行太玄都四極明科曰太上素靈洞玄大有

妙經秘於九天之上大有之宮金臺玉室素  
靈房中刻玉爲簡以撰爲文金鏤玉字以明  
其篇傳於天帝君南極上元君太微天帝君  
後聖九玄金闕帝君今封三寶奇經各一通  
於岱宗山中舊科萬劫一出有金名玉字紫  
劉玄圖之人七十年內聽得三傳盟上金二  
兩紫紋百尺青縉二十七尺赤絲五兩香一  
斤丹一兩師弟子對齋百日告北帝盟天而  
傳給玉童玉女各二十四人燒香侍經修行  
百日與真通靈九年道降白日登天不得愆  
盟犯律一犯伐功斷事三犯上延七祖已身  
並被左右二官所考罰以刀山食火二十四  
獄三塗五苦之中三掠得過乃得長充負石  
填河之役玉童玉女賁經反於上宮也玄都  
左右女青律文受者明慎奉行

太玄都四極明科曰九真中經太上太微天  
帝君所發八道九真結璘鬱儀上奔日月之  
道以傳中央黃老君秘於太上六合宮中舊  
科七十年聽得二傳若有青書東華玉字上  
清藏生紫絡之人七百年內聽得三傳盟白

縮九十九尺青絲一斤絳縉二十四尺此日暉  
之誓君縉二十四尺此月華之誓金鏤三雙  
無常童子之信對齋九十日二十四日北向  
告盟而傳給玉童玉女各十七人修此道七  
年乘雲飛行上昇太清其法尤重二犯伐功  
斷事四犯左右二官所考七祖已身罰以刀  
山食火地獄三塗五苦之役萬劫還生不人  
之道玄都左宮女青律文受者明慎奉行  
太玄都四極明科曰太丹隱書洞真玄經一  
名帝君七化變景九形一名太一三度帝寶  
五精一名帝一混合三五立成太一帝君所  
受空玄自然之章藏於太上六合紫房之內  
傳於南極元君太素三元君紫微玉母今封  
一通於岱宗山中舊科萬劫一出有金名帝  
圖綠字紫簡骨氣含真之人七百年內聽得

三傳盟青縉二十七尺素然五兩和香二東  
筆一枚紙百番丹一兩帝君不宣泄之盟師  
弟子對齋百日告盟而傳給玉女九人玉童  
七人侍衛燒香修五神混合之道百日真靈  
下降不出七年白日昇天不得違科犯盟一

犯伐功斷事三犯七祖己身並充左右二官  
考罰以刀山食火二十四獄三塗五苦之中  
三捺得過長充負石填河之役玄都左官女  
青律文受者明慎奉行

太玄都四極明科曰紫度炎光玄真靈經中  
方內視上清變化七十四方三卷受於九天  
真王太宮九玄之高章秘於太上靈都之宮  
紫房之內三元君主之萬劫一傳若有金名  
帝簡錄字上清合真之人七百年內有其人  
聽得三傳紫度盟用五色錦各五十尺上金  
五兩沉香五斤真珠一斤書刀一口金鏢七  
枚絳文七十尺上清變化盟青縉四十尺上  
金十兩金鈕六雙好香一斤金魚玉龍各一  
枚師弟子對齋九十日或三十日九日告盟  
而授給玉童二十四人玉女三十六人燒香

侍真修之百日變化虛無元年白日昇天違  
科犯律一犯伐功斷事三犯七祖父母己身  
並屬左右二官考罰以刀山食火二十四獄  
三塗五苦之中三捺得過長充負石填河之  
役玄都左官女青律文受者明慎奉行

太玄都四極明科曰神州七轉七變儼天一  
名藏景匿形一名出有入無乃上皇先生紫  
晨君所受太空自然之章秘於紫天元臺玉  
室金房之內萬劫一出傳玄成清天上皇君  
三天玉童紫極真元君南極上元君太微天

帝君後聖道君今封一通於西城山中若有  
紫名上清金字東華之人七百年內聽得三  
傳師弟子對齋九十日告盟而授給玉童玉  
女各二十一人侍衛燒香違科犯盟一犯萬  
不得仙三犯七祖己身並充左右二官考罰  
以刀山食火二十四獄三塗五苦之中三捺  
乃得過長充負石填河之役玄都左官女青  
律文受者明慎奉行  
太玄都四極明科曰洞魔智慧七卷一名太  
素洞經一名素慧太上大道君所受元始上

文藏於玉清之闕高上虛皇丹房之內素靈  
玉女三千人侍衛此文萬劫一出若有金名  
東華錄字上清者七百年內聽得三傳盟上  
金十兩玉劄一枚金魚玉龍各一枚紫縉四  
十尺師弟子對齋九十日告盟而傳給玉童

玉女各十二人違科犯盟三犯不得又仙五  
犯七祖己身並被左右官考罰以刀山食火  
二十四獄三塗五苦之中萬劫得充負石填  
河之役玄都左官女青律文受者明慎奉行  
太玄都四極明科曰青要紫書金根衆經乃

九天真王受空玄自生之章付九陽元皇玉  
帝封秘九天之上玄靈七寶玉室侍典玉女  
三千人萬劫傳付青要帝君無上虛皇元靈  
道君太素高靈洞觀道君南極上元君衆帝  
今封一通於玉屋山若有金髓玉骨名書帝  
錄七百年內過其人聽得三傳金魚玉龍各  
一枚紫縉百尺青絳四十尺師弟子對齋百  
日告盟而傳給玉童玉女各二十四人營衛  
受者身修行百日通靈致真九年乘雲飛行  
玉清有犯科禁三犯不得又仙五犯七祖父

母已身故考左右二官罰以刀山火燒二十  
四獄萬劫乃得還充下鬼負石填河之役玄  
都左宮女青律文受者明慎奉行

太玄都四極明科曰飛步天綱躡行七元白  
羽黑翮飛行羽經天關三圖移度七星凡三

訣太帝君太微天帝君所受登空之道秘於  
高靈玉虛紫房之內侍衛玉女二十四百人

傳於南極上元君太素三元君後聖九玄帝  
君上相青童君今封一通於瀛洲方大舊科

七千年一出若有金名帝錄玉劉青簡骨相  
合真之人七百年內聽得三傳飛步盟誓用

錦帛三十尺亦可青布准之金魚玉龍各一  
枚給玉童玉女各七人飛行羽經青色之縉

三十二尺黃金二兩以代剪髮之盟白羽黑  
翮五色之錦各九十尺給玉童玉女各二十

四人七星移度青紋三十二尺絳縉七十尺  
鳳文之羅九十尺金鈕一雙給玉童玉女各

七十人師弟子對齋九十日告盟而傳得者  
飛行太空乘虛登晨違科犯律一犯伐功斷

事萬不得仙三犯七祖父母下及已身故左

右二官所考罰以刀山食火二十四獄三塗  
五苦之中三掠得過乃充下鬼負石填河之役  
玄都左宮女青律文受者明慎奉行

太玄都四極明科曰三天正法乃元始俱生  
太上所受秘於九天之上玉清金房紫戶之

內侍衛玉女三千人依科萬劫一傳若有金  
名玉字紫蓋玉髓之人七百年內聽得三傳

盟青縉三十尺青布三十二尺金鏤五雙上  
金十兩以奉師師弟子對齋七日告盟而傳

不得違科犯禁三犯不得又仙五犯七祖已  
身並充左右二官之考罰以刀山火燒二十

四獄萬劫得還長充鬼役玄都左宮女青律  
文受者明慎奉行

太玄都四極明科曰三九青素語玉精真訣  
八素真經服日月一名八坦四門高上經八

卷太霄琅書瓊文帝章三訣十卷九天火人  
三天玉童所受秘於九天上金房玉室七映

之宮傳於太微天帝君南極上元君紫微王  
母金闕帝君上相青童君科八千劫一傳三

九素語盟誓金魚玉龍各一枚青紋三十尺

金鈕九雙本命之縉百尺八素真經上金八  
兩五色之縉各四十尺法衣一副瓊文帝章

金魚玉龍各一枚青縉三十二尺白縉八十  
尺以誓九天之信師弟子對齋百日或四十

日告盟而傳七百年內遇其人聽得三傳給  
玉童玉女各十二人得者修行百日通真八

年昇晨不得違科犯律萬不得仙三犯七祖  
己身並充左右二官之考罰以刀山食火二

十四獄三塗五苦之中萬劫得還長充下鬼  
之役玄都左宮女青律文受者明慎奉行

太玄都四極明科曰黃素四十四方九赤班  
符乃太上所傳秘於九天之上瓊宮玉室之

內舊科七千年三傳若有金名玉字骨相合  
仙七百年中得三傳黃素盟玉机一枚長一

尺五分廣一寸四分黃素四十尺金鏤兩雙  
九赤班符丹錦四十尺青縉半斤以代軟血

之盟師弟子對齋百日告盟而傳給玉女三  
十七人衛於有經者身懸盟負科一犯不得

又仙三犯七祖己身並充左右二官罰以刀  
山食火二十四獄三塗五苦之中萬劫得還

長充下鬼之役玄都左宮女青律文受者明慎奉行

太玄都四極明科曰石精金光藏影錄形神經乃高聖傳令封一通於峨嶼山中有玄名台真之人七百年內聽得三傳盟誓青紋四

十二尺金魚玉龍各一枚金錄九變師弟子對齋七十日北向而傳給玉童玉女各十七

人違盟負誓三犯不得又仙五犯三會己身並充二十四獄三塗之中萬劫還生不人之

道玄都左宮女青律文受者明慎奉行

太玄都四極明科曰曲素訣辭優樂之曲五行秘符太上大道君所受秘於玉京玄房侍

文玉女三百人傳於太極真人舊科七千年內聽得三傳若有玄名玉字方諸青官三百

年內遇其人便傳盟白絹四十尺青縹二十

尺金錄三變香一斤以代列普通神之盟對齋三十日男受北向女受南向對師告誓而

傳給玉童玉女十人衛身佩者二十年真人下降違科犯盟一犯不得又仙三犯五祖父

母己身充左右二官二十四獄萬劫還充負

石填河之役玄都左宮女青律文受者明慎奉行

太玄都四極明科曰黃氣陽精藏天隱月上經太微帝君所修秘於上清玄宮玉房之內舊科七千年一出有金名玉字合仙之人三

百年內聽得三傳盟誓黃絹四十尺青縹三十尺金錄七雙以代列普通之盟師弟子對齋

二十七日告盟而傳給玉童玉女各七人違科犯盟三犯不得又仙五犯己身七祖並充

左右二官之考罰以刀山地獄三塗五苦之

中萬劫還生不人之道玄都左宮女青律文受者明慎奉行

太玄都四極明科曰龜山元錄西臺玉母所受於元始天王秘於九天之上大有之官侍

文玉女千七百人舊科萬劫一出今封一通於

西城山中有金名玉字於玄圖金骨合真之人七百年內聽三傳盟用上金三兩丹錦三

十七尺青布二十二尺金魚玉龍各一枚師弟子對齋百日北宮玉帝所出太極真人受之於太上秘於清虛之宮玉房之內七千年

一出有金名帝錄合真之人七百年內聽得三傳盟誓青絹九尺餅縹三尺皂縹五尺白縹

七尺黃縹十二尺金魚玉龍各一枚以誓九天不泄之約給玉童玉女各二人愆盟違科

三犯伐功斷事不得又仙五犯七祖父母己身並充左右二官罰以刀山食火地獄三塗五

苦之中萬劫得生不人之道玄都左宮女青律文受者明慎奉行

太玄都四極明科曰金真玉光太上隱書太上大道君所受九玄之精秘於靈都之宮七

曜之戶侍衛玉女三千人舊科萬劫一出若有金名於帝圖綠字於上清者七百年內聽

得三傳盟上金五兩丹紋之縹八十尺真珠一斤以誓九天師弟子對齋百日告盟而傳

給玉童玉女各七十七人違科負律五犯七

祖己身並充左右二官之考罰以刀山火鄉二十四獄三塗五苦之中萬劫得還長充負

石填河之役玄都左宮女青律文受者明慎奉行

太玄都四極明科曰丹景道精隱地八術太

上玉晨受之於高聖秘於上清金臺玉童玉童玉女各八百人侍衛燒香傳於太極其人東華大神方諸青宮善科七千年一處有金名玉字於玄圖合真之人七百年內聽得傳八人盟誓白綃四十尺紫紋八十尺金鈕

八雙以代列誓之信師弟子對齋八十日北向而傳給玉童玉女各十二人違科犯盟一犯不得又仙三犯七祖父母己身並充左右二官之考罰以刀山火鄉二十四獄三塗五苦之中萬劫乃得還充下鬼負石填河之役。玄都左宮女青律文受者明慎奉行

太玄都四極明科曰外國放品青童內文乃上清太真玉保王上相大司馬高晨師東海玉門青華小童君所受秘在方諸青宮侍經玉童三百人舊科七千年三出告盟而傳給玉童玉女各二十七人得此文者太一啟命青宮定仙不得愆盟負科一犯伐功斷事不得又仙三犯七祖父母己身並充左右二官罰以刀山火鄉二十四獄三塗五苦之中三掠得過乃得充負石填河之役玄都左宮女

青律文受者明慎奉行

太玄都四極明科曰三元玉檢三元布經三天之上大有之宮三天玉童所受九玄自生之章秘於九清之上大道之宮侍經玉女玉童二千四百人舊科萬劫一出傳付上元禁

君南極上元君西玉母金闕帝君今封一通於霍山之室若有金名玉字於東華七百年內聽得三傳盟用上金五兩鳳紋之羅九尺青紋三十二尺師弟子對齋七十日告盟而傳給玉女二十七人玉童三十二人侍衛

典文得者仙籍注名三元諸房違科負信一犯伐功斷事不得又仙三犯七祖父母己身並充左右二官之考罰以刀山火之難二十四獄萬劫乃得過長充負石填河之役玄都左宮女青律文受者明慎奉行

太玄都四極明科曰上化九丹胎精中記乃生九玄之初二十四真九帝所行太帝傳於南極夫人西王母今封一通於瀛洲方文七千年一出若有金名合真三百年內聽二傳盟用上金一斤九兩白綃八十尺丹一斤以

代列誓之信師弟子對齋九十日北向而傳給玉童玉女各九人得者變化隨意飛行太空違負明科三犯不得又仙五犯己身遭風力之考死入地獄萬劫還生不人之道玄都左宮女青律文受者明慎奉行

太玄都四極明科曰玉佩金璫太霄隱書七聖玄紀迴文九霄白簡青錄得道之名乃元皇玉帝高聖帝君所修秘於九天之上七寶紫映之房萬劫一出傳於得道之人今封一通於陽洛山若有金名帝簡綠字上清骨相合真七百年內聽得三傳玉佩盟青紋四十尺白羅九十尺上金二兩玄紀上金七兩紫紋七十尺以誓九天代列誓之盟師弟子對齋百日給玉童玉女各二十四人侍文典靈

得行此道九天定錄剋成真人違盟負誓一犯萬不得仙三犯七祖己身並充左右二官之考罰以刀山火鄉二十四獄三塗五苦之中萬劫得還長充下鬼負石填河之役玄都左宮女青律文受者明慎奉行

右玉符與天地同生玉帝所受傳於太上大道君秘在瓊宮之內七千年聽三傳若有金名東華綠字上清之人七百年聽三傳盟用白絹四十尺金鈕三雙盟青繒三十二尺以代列普之信師弟子對齋六十日北向而傳有此文通靈致真飛行太空白日昇天違科愆盟一犯伐功斷事萬不得仙三犯七祖己身並充被風刀之考死入地獄萬劫長充下鬼負石填河之役玄都左官女青律文受者明慎奉行

太真玉帝四極明科經卷之三

十四

太真玉帝四極明科經卷之四

兩八

太玄右宮女青四極明科律文

黑帝王司君姓史諱升度衣皂文之衣五色鳳章頭戴玉精通天寶冠手執五色羽節治玄陰太冥洞天左右官領北嶽恒山仙官地靈水精黑壬之兵北統無產之天無鞅劫數無窮無極之官總領上真之格悉隸於黑帝王司之君主人生死之命知其名存其神修行九年致阜雲飛與來迎兆身上昇玄宮太玄都四極明科曰凡高上太真玉皇帝君王清真人萬仙衆聖得道靈人皆佩太真明科檢制衆真科文秘於九天無鞅之宮七寶華房侍文太華玉女七千人金神王童九千人燒香典靈舊科經無鞅之劫傳二十四人輕科慢禁違犯玉律皆削真皇之籍充遊散之官如上之文隨功進號玄都右宮女青律文受者明慎奉行

衛典香舊科九萬劫傳九人誓盟紫金十兩紫紋百尺以誓九天有金骨玉名合真之人依盟而傳師弟子對齋九十日北向告給玉童玉女二十四人輕科慢禁漏泄寶訣己身七祖並充刀山火鄉二十四獄三塗五苦之難萬劫方還下鬼負石之役玄都右宮女青律文受者明慎奉行

太玄都四極明科曰四極明科乃高聖之王訣太上大道君之所受秘於金簡紫臺玉映七寶之宮侍之玉女玉童各二千四百人科終無數之劫遇有金名玄圖綠字上清寶藏玉骨之人盟而傳之盟五色錦繒各九十尺鳳紋之羅四尺金魚玉龍各一枚長一尺二寸以紀受科年月以封於本命之獄以誓九天之信對齋百日告盟而傳給玉童玉女各三十六人輕科慢律漏泄寶文己身七祖並充刀山食火之難二十四獄三塗五苦之中萬劫得充下鬼負石之役玄都右宮女青律文受者明慎奉行

太玄都四極明科曰靈寶洞玄經五勝玉訣